

屈原列传

楚辞通释

史記屈原列傳

屈原者名平楚之同姓也爲楚懷王左徒博聞彊志明於
治亂爛於辭令入則與王圖議國事以出號令出則接遇
賓客應對諸侯王甚任之上官大夫與之同列爭寵而心
害其能懷王使屈原造爲憲令屈平屬草藁未定上官大
夫見而欲奪之屈平不與因讒之曰王使屈平爲令衆莫
不知每一令出平伐其功曰以爲非我莫能爲也王怒而
疏屈平屈平疾王聽之不聰也讒諂之蔽明也邪曲之害
公也方正之不容也故憂愁幽思而作離騷離騷者猶離
憂也夫天者人之始也父母者人之本也人窮則反本故

勞苦倦極未嘗不呼天也疾痛慘怛未嘗不呼父母也屈
平正道直行竭忠盡智以事其君讒人閒之可謂窮矣信
而見疑忠而被謗能無怨乎屈平之作離騷蓋自怨生也
國風好色而不淫小雅怨誹而不亂若離騷者可謂兼之
矣上稱帝嚳下道齊桓中述湯武以刺世事明道德之廣
崇治亂之條貫靡不畢見其文約其辭微其志絜其行廉
其稱文小而其指極大舉類邇而見義遠其志絜故其稱
物芳其行廉故死而不容自疎濯淖汙泥之中蟬蛻於濁
穢以浮游塵埃之外不獲世之滋垢嶠然泥而不滓者也
推此志也雖與日月爭光可也屈平既絀其後秦欲伐齊

齊與楚從親惠王患之乃令張儀佯去秦厚幣委質事楚
曰秦甚憎齊齊與楚從親楚誠能絕齊秦願獻商於之地
六百里楚懷王貪而信張儀遂絕齊使使如秦受地張儀
詐之曰儀與王約六里不聞六百里楚使怒去歸告懷王
懷王怒大興師伐秦秦發兵擊之大破楚師於丹浙斬首
八萬虜楚將屈匄遂取楚之漢中地懷王乃悉發國中兵
以深入擊秦戰於藍田魏聞之襲楚至鄧楚兵懼自秦歸
而齊竟怒不救楚楚大困明年秦割漢中地與楚以和楚
王曰不願得地願得張儀而甘心焉張儀聞乃曰以一儀
而當漢中地臣請往如楚如楚又因厚幣用事者臣新尙

而設詭辯於懷王之寵姬鄭袖懷王竟聽鄭袖復釋去張儀是時屈平既疏不復在位使於齊顧反諫懷王曰何不殺張儀懷王悔追張儀不及其後諸侯共擊楚大破之殺其將唐昧時秦昭王與楚婚欲與懷王會懷王欲行屈平曰秦虎狼之國不可信不如無行懷王稚子子蘭勸王行奈何絕秦歡懷王卒行入武關秦伏兵絕其後因留懷王以求割地懷王怒不聽亡走趙趙不內復之秦竟死於秦而歸葬長子頃襄王立以其弟子蘭爲令尹楚人既咎子蘭以勸懷王入秦而不反也屈平既嫉之雖放流蹇顧楚國繫心懷王不忘欲反冀幸君之一悟俗之一改也其在

君興國而欲反覆之一篇之中三致意焉然終無可奈何
故不可以反卒以此見懷王之終不悟也人君無愚智賢
不肖莫不欲求忠以自爲舉賢以自佐然亡國破家相隨
屬而聖君治國累世而不見者其所謂忠者不忠而所謂
賢者不賢也懷王以不知忠臣之分故內惑於鄭袖外欺
於張儀疏屈平而信上官大夫令尹子蘭兵挫地削亡其
六郡身客死於秦爲天下笑此不知人之禍也易曰井渫
不食爲我心恻可以汲王明並受其福王之不明豈足福
哉令尹子蘭聞之大怒卒使上官大夫短屈原於頃襄王
頃襄王怒而遷之屈原至於江濱被髮行吟澤畔顏色憔悴

悴形容枯槁漁父見而問之曰子非三閭大夫歟何故而
至此屈原曰舉世混濁而我獨清眾人皆醉而我獨醒是
以見放漁父曰夫聖人者不凝滯於物而能與世推移舉
世混濁何不隨其流而揚其波眾人皆醉何不餽其糟而
啜其醢何故懷瑾握瑜而自令見放爲屈原曰吾聞之新
沐者必彈冠新浴者必振衣人又誰能以身之察察受物
之汶汶者乎甯赴嘗流而葬乎江魚腹中耳又安能以皓
皓之白而蒙世之溫蠖乎乃作懷沙之賦今九章中懷沙篇是也於
是懷石遂自投汨羅以死屈原既死之後楚有宋玉唐勒
景差之徒者皆好辭而以賦見稱然皆祖屈原之從容辭

令終莫敢直諫其後楚日以削數十年竟爲秦所滅自屈原沈汨羅後百有餘年漢有賈生爲長沙王太傅過湘水投書以弔屈原

愚鼓詞

夕堂戲

墨之八

船山遺書四十二

衡陽王夫之撰

前愚鼓樂

寤授鷓鴣天詞十首

無師之師其唯寤乎無寤而寤非師而誰任爲師
寤之明日中湘篤生翁授余詩云三一從茲守策
名玉洞仙不期而與寤應然則寤果余師也抑余
欠人閒唯一字疑與寤相筵楹雖然寤授余多矣
從來祇有活人死已死誰爲受死身緣未就功不
我報未能爲郭景純顏清臣耳奚守屍之足誚

其一

耳根一句也支離眼上分明兩道眉欲貯金膏須玉合莫
將玉屑補金卮天在我我憑誰徹骨相思徹骨知從來
本是同心客那向春風訴別離

其二

無端凌蔑七般陰慙媿仙師煞用心卽此犀紋原孕月但
除龍耳不聞琴疑色相辨浮沈誰向塵沙覓寶簪銀鉛
砂汞無根蒂總是黃婆一寸金

其三

聚頂朝元自不遲除將踵息無真機更無鉛處鉛方活不

受龍邊龍自飛
烟旖旎雪霏微
一絲半縷透寒輝
真成
枯骨生靈翅頑
肉飛從月窟歸

其四

竺土傳來紇哩耶
從他生出掌他家
間催死虎擒飛將戲
捉飛龍作死蛇
真闡緩試天斜
移山破石透些些
撒花
枯木非奇特
枯木元來也放花

其五

碧天西爽月如鈎
脈脈盈盈度翠樓
風軟楊花穿繡幙
春融桃浪送行舟
和水乳醉雙眸
不風流處也風流
穿花
蛺蝶無人見
只在初開葉上頭

其六

方丈桃花日日新
花開只是不逢春
從來祇有活人死
已死誰爲受死身
冬已至閉關津
凍魚水底自芳辰
東風打破寒水面
始識通身未損鱗

其七

嬰兒如雪浴蘭湯
收盡鷄雛一片黃
誰向鴛衾尋午寤
已臨明鏡掃晨粧
活蟬煉死蟻
蝦罪微靈雨
夾斜陽
傍人莫笑偷閒客
斫柳摧花百倍忙

其八

慧劍將持斬葛藤
葛藤雖斬又何曾
腰閒不許畱寒鐵
天

下元來有暎水 驅卽妄廢還興鰓魚莫浪守三更黃嬾
將女無餘事芳草闌干日日憑

其九

築基早莫築危基十個英雄九個欺本把靈丹醫虎活漫
將死虎遣龍騎 花似錦酒如飴長年不解皺雙眉太平
不是將軍定先斬淮陰勝下兒

其十

不須守處守難降莫把骷髏建寶幢恰趁夕陽臨畫閣又
邀初月上紗牕 烏渡漢兔成雙良夜花陰吠小虯幽閨
未寢誰知得金豆低巡鴈柱腔

後愚鼓樂

譯寢十六闕

寄 漁家傲

寢授歌旨囫圇棗也雖囫圇吞亦須知味仰承靈
貺不敢以顛預當之三教溝分至於言功不言道
則一也譯之成十六闕曉風殘月一板一棹亦自
使逍遙自在

煉己

己 雌土也黃婆爲戊

彈劍中原歌虎踞蕭條萬里寒光注一夜韶光花下雨春
可住落花只在花開處乍遣天桃開一度天台流水無
津路寢裏邯鄲歸計阻清無數峨眉雪浪長江去

黃婆

配身爲第二配五識爲第六含而不見爲陰故曰婆

婆子生兒七八個人人解把家緣破囊裏明珠無別貨圓

顆顆終年不捨形山坐雲裏嬋娟光影墮穿溪透谷推

行磨一縷輕煙鑽隙過真婀娜殘膏不染香雲灑

水中金

父藏子胎斯爲道母

爲惜花開春已晚春前細雨香膏歎鶴髮仙人成老鈍朱
顏嫩閒愁無力秋波困道是有來真悶頓言無又恐靈
芽褪采藥溪頭立不穩人姓阮胡麻一粒消春恨

子時

謂有活子時者將有灰子時乎大撓以前立活字不得

夜半繇來非半夜分明出現眉毛下心腎無非淫鬼舍誰

厮惹三更一陣光明乍 萬物未生何柄把天開只在紗

窗罅莫與鑽龜還打瓦鷄鳴也回頭又勸紅塵駕

弦月

艮納丙兌納丁丙配辰戌是水火
墓地丁配己亥亥為天門己合殿

兌納六丁天一半姮娥手捲真珠串未到先吞光緩緩妖

墓竄招安旗下從納款 不是寶刀難削亂王齊韓信元

興漢洲上孫權花散滿凝眸看輕霜不冷紅鑪炭

采藥

秘寶不離形山形山元為
鬼窟緇素得出是真采者

沒底籃兒短柄斲長年只向空山宿春籬乍醒光透目香

馥馥青芽白蘂殷紅粟 更有元膏生朽木同苗其蒂無

羸縮曲線引來成一束靈飛速輕拈細煮香甜粥